



Broj: 02-04-838/21
Datum, 28.06.2021. godine

ZAPISNIK sa 8. redovne sjednice 7. saziva Općinskog vijeća Doboj Istok

Osma redovna sjednica 7. saziva Općinskog vijeća održana je dana 24.06.2021. godine u zgradi općine Doboj Istok u Klokotnici sa početkom u 10,00 sati.

PRISUTNI: 17 vijećnika, Omer Hadžić, sekretar općine, Admir Šišić, ovlašteno lice da zamjenjuje pomoćnika općinskog načelnika za društvene djelatnosti, branilačko – invalidsku zaštitu i opću upravu i Sulejman Delić, pomoćnik općinskog načelnika za civilnu zaštitu, te predstavnik RTV TK.

Sjednicu je otvorio i vodio predsjedavajući Općinskog vijeća, Selmin Karić.

Selmin Karić, predsjedavajući Općinskog vijeća: „Kolegice i kolege vijećnici, predstavnici medija esalamu alejkum i dobar dan. Otvaram 8. redovnu sjednicu 7. saziva Općinskog vijeća Doboj Istok. Molim tehničkog sekretara da utvrdi broj prisutnih na današnjoj sjednici. Prisutni su svi vijećnici, a načelnik je najavio odsustvo tako da neće prisustvovati današnjoj sjednici.“

USVAJANJE ZAPISNIKA SA PRETHODNIH SJEDNICA OPĆINSKOG VIJEĆA

Selmin Karić, predsjedavajući Općinskog vijeća: „Dobili ste zapisnik sa prethodne sjednice i ako ima neko primjedbu? Nema. Ko je za?“

Glasanje: ZA – 11, PROTIV – 0, UZDRŽANIH – 6.
Zapisnik je dobio potrebnu većinu.“

VIJEĆNIČKA PITANJA I INICIJATIVE

Selmin Karić, predsjedavajući Općinskog vijeća: „Ako ima neko pripremljeno vijećničko pitanje ili inicijativu, izvolite.“

Refik Šuvalić, vijećnik SDA: „Poštovane kolegice i kolege da vas srdačno selamim i pozdravim. Ovo nije inicijativa, ovo je jedna molba, odnosno apel da mi svi svojim uticajem utičemo na građane Doboj Istoka koji se snabdijevaju sa sistema vodovoda Klokotnica i Brijesnica Velika da se voda u ovim teškim danima i nenormalnim temperaturama koristi u one svrhe za što je namijenjena. Još jedanput upućujem apel da ne bi došli u neke nepotrebne redukcije, jer sami ste svjedoci zaljevanja trava i punjenja bazena u koje stane po 5 - 6 kubika i više. Znači da svi apelujemo da se voda koristi u svrhe koje su neophodne za osnovne potrebe ljudi i životinja. Ja se zahvaljujem i nadam se da ćete svi u svom domenu pomoći da se utiče na građane da savjesno troše vodu.“

Selmin Karić, predsjedavajući Općinskog vijeća: „Ima li još prijavljenih? Nema.“

USVAJANJE DNEVNOG REDA

Selmin Karić, predsjedavajući Općinskog vijeća: „ Dobili smo prijedloge za promjenu dnevnog reda koji glase:

- *U skladu sa članom 56. Poslovnika o radu Općinskog vijeća Doboj Istok predlažem da se u dnevni red Općinskog vijeća stavi slijedeća tačka:*

Razmatranje Prijedloga Odluke o davanju na korištenje jedne prostorije u poslovnom prostoru općine Doboj Istok u Brijesnici Velikoj Udruženju žena Doboj Istok

Obrazloženje:

Razlog za proširenje dnevnog reda je što hitno Udruženje žena Doboj Istok treba da dostavi dokaze o prostoru koji koristi u prijavljenom sjedištu udruženja nadležnim državnim organima.

- *U skladu sa članom 56. Poslovnika o radu Općinskog vijeća Doboj Istok predlažem da se izvrše promjene tački 3. i 4. u predloženom dnevnom redu, tako da glase:*

3. Razmatranje Prijedloga Odluke o osnivanju Zajedničkog pravobranilaštva za općine Čelić, Teočak i Doboj Istok,

4. Razmatranje Prijedloga Odluke o raspisivanju javnog oglasa za izbor i imenovanje općinskog pravobranioca u Zajedničkom pravobranilaštvu za općine Čelić, Teočak i Doboj Istok.

Obrazloženje:

Rozlog za proširenje dnevnog reda je što hitno treba donijeti novu Odluku o osnivanju Zajedničkog pravobranilaštva za općine Čelić, Teočak i Doboj Istok zbog istupa općine Sapna, te imenovanje pravobranioca zbog isteka mandata.

Treba li neko dodatno pojašnjenje. Znači imamo da se doda tačka Razmatranje Prijedloga Odluke o davanju na korištenje jedne prostorije u poslovnom prostoru općine Doboj Istok u Brijesnici Velikoj Udruženju žena Doboj Istok. Ko je za da ova tačka ide na dnevni red?

Glasanje: ZA – 11, PROTIV – 0, UZDRŽANIH – 6.

Tačka je dobila potrebnu većinu.

Da tačka 3. dnevnog reda glasi: Razmatranje Prijedloga Odluke o osnivanju Zajedničkog pravobranilaštva za općine Čelić, Teočak i Doboj Istok. Znači ovo je samo zamjena, jer je tačka bila obzirom da je Sapna istupila iz Zajedničkog pravobranilaštva i potrebno je samo izvršiti zamjenu ove tačke. Ko je za?

Glasanje: ZA – 11, PROTIV – 0, UZDRŽANIH – 6.

Tačka je dobila potrebnu većinu.

Isto tako tačka 4. Razmatranje Prijedloga Odluke o raspisivanju javnog oglasa za izbor i imenovanje općinskog pravobranioca u Zajedničkom pravobranilaštvu za općine Čelić, Teočak i Doboj Istok. Ko je za da ova tačka ide na dnevni red, odnosno zamjena tačke?

Glasanje: ZA – 11, PROTIV – 0, UZDRŽANIH – 6.

Tačka je dobila potrebnu većinu.

Za današnju sjednicu je predlažem sljedeći dnevni red:

- 1. Razmatranje i usvajanje prijedloga Odluke o utvrđivanju javnog interesa za izgradnju rekreacionog centra u Klokočnici,*
- 2. Razmatranje i usvajanje prijedloga Odluke o određivanju dana za održavanje odgođenih izbora za organe mjesnih zajednica na području općine Doboj Istok,*
- 3. Razmatranje i usvajanje prijedloga Odluke o osnivanju Zajedničkog pravobranilaštva za općine Čelić, Teočak i Doboj Istok,*

4. *Razmatranje i usvajanje prijedloga Odluke o raspisivanju javnog oglasa za izbor i imenovanje Općinskog pravobranioca u Zajedničkom pravobranilaštvu za općine Čelić, Teočak i Doboj Istok,*
5. *Razmatranje i usvajanje prijedloga Odluke o davanju na korištenje jedne prostorije u poslovnom prostoru općine Doboj Istok u Brijesnici Velikoj Udruženju žena Doboj Istok,*
6. *Razmatranje i usvajanje prijedloga Rješenja o imenovanju člana Upravnog odbora JZU Dom zdravlja Doboj Istok,*
7. *Razmatranje i usvajanje Informacije o radu Porezne ispostave Doboj Istok za 2020. godinu,*
8. *Razmatranje i usvajanje Informacije o higijenskoj ispravnosti vode za piće i stanju vodoprivrednih objekata i to:*
 - *JKP“Čisto“ Doboj Istok,*
 - *JZU Dom zdravlja Doboj Istok*
 - *MZ Brijesnica Mala*
9. *Razmatranje i usvajanje Informacije o zloupotrebi narkotičkih sredstava sa prijedlogom mjera za suzbijanje istih na području općine Doboj Istok*
10. *Razmatranje nacrtu Zakona o izmjenama i dopunama Zakona o principima lokalne samouprave u Federaciji Bosne i Hercegovine.*

Ko je za ovakav dnevni red?“

Glasanje: ZA – 11, PROTIV – 0, SUZDRŽANIH – 6.

REALIZACIJA DNEVNOG REDA

1. Razmatranje i usvajanje Odluke o utvrđivanju javnog interesa za izgradnju rekreacionog centra u Klokotnici.

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?“

Glasanje: ZA – 11, PROTIV – 0, SUZDRŽANIH – 6

Tačka je dobila potrebnu većinu.“

2. Razmatranje i usvajanje prijedloga Odluke o određivanju dana za održavanje odgođenih izbora za organe mjesnih zajednica na području općine Doboj Istok.

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?“

Glasanje: ZA – 11, PROTIV – 0, SUZDRŽANIH – 6

Tačka je dobila potrebnu većinu.“

3. Razmatranje i usvajanje prijedloga Odluke o osnivanju Zajedničkog pravobranilaštva za općine Čelić, Teočak i Doboj Istok.

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?“

Glasanje: ZA – 11, PROTIV – 0, SUZDRŽANIH – 6

Tačka je dobila potrebnu većinu.“

4. Razmatranje i usvajanje prijedloga Odluke o raspisivanju javnog oglasa za izbor i imenovanje Općinskog pravobranioca u Zajedničkom pravobranilaštvu za općine Čelić, Teočak i Doboj Istok.

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?

Glasanje: ZA – 11, PROTIV – 0, SUZDRŽANIH – 6

Tačka je dobila potrebnu većinu.“

5. Razmatranje i usvajanje prijedloga Odluke o davanju na korištenje jedne prostorije u poslovnom prostoru općine Doboj Istok u Brijesnici Velikoj Udruženju žena Doboj Istok.

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?

Glasanje: ZA – 11, PROTIV – 0, SUZDRŽANIH – 6

Tačka je dobila potrebnu većinu.“

6. Razmatranje i usvajanje prijedloga Rješenja o imenovanju člana Upravnog odbora JZU Dom zdravlja Doboj Istok.

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?

Glasanje: ZA – 11, PROTIV – 0, SUZDRŽANIH – 6

Tačka je dobila potrebnu većinu.“

7. Razmatranje i usvajanje Informacije o radu Porezne ispostave Doboj Istok za 2020. godinu.

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?

Glasanje: ZA – 11, PROTIV – 0, SUZDRŽANIH – 6

Tačka je dobila potrebnu većinu.“

Izet Hodžić, zamjenik predsjedavajućeg Općinskog vijeća, je zatražio pauzu od 5 minuta.

Predsjedavajući je dao pauzu.

Sjednica je nastavljena u 10,15 sati.

8. Razmatranje i usvajanje Informacije o higijenskoj ispravnosti vode za piće i stanju vodoprivrednih objekata i to:

- JKP“Čisto“ Doboj Istok,
- JZU Dom zdravlja Doboj Istok
- MZ Brijesnica Mala

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?

Glasanje: ZA – 11, PROTIV – 0, SUZDRŽANIH – 6

Tačka je dobila potrebnu većinu.“

9. Razmatranje i usvajanje Informacije o zloupotrebi narkotičkih sredstava sa prijedlogom mjera za suzbijanje istih na području općine Doboj Istok.

Selmin Karić, predsjedavajući Općinskog vijeća: „Tačku dajem na diskusiju.“

Hasan Hasančević, predsjednik kluba vijećnika SDA: „Sve vas iskreno selamim i pozdravljam. Obično izlazim po ovoj tački dnevnog reda od kako sam u Vijeću i evo primili smo informaciju k znanju. U informaciji stoji da stanje nije kako treba, a to su konstatovali stručnjaci za narkotička sredstva. Međutim tamo u napomenama ne stoje po meni ključne stvari koje bi trebale da stoje. Mi svi živimo u Doboj Istoku, hodamo, šetamo, idemo na posao, družimo se i idemo na sijelo u svako doba dana i noći i da ovdje stoji u jednoj rečenici da smo našli ili uočili konzumente narkotičkih sredstava u Klokočnici u ulici toj i toj, u Velikoj Brijesnici u ulici toj i toj, u Maloj Brijesnici u ulici toj i toj, na mjestu tom i tom ja bih to shvatio kao preventivno djelovanje od strane uposlenika Policijske stanice. Mi dobivamo informaciju takvu kakva jest i u nekim okvirima ona je zadovoljavajuća, jer svi mi znamo da tamo fali i kadra i što šta. Ja predlažem da prihvatimo k znanju ovakvu informaciju kakvu smo dobili sa zaključkom da se napravi tematska sjednica Kolegija Općinskog vijeća manjeg tijela, Policijske stanice Doboj Istok i Policijske uprave Gračanica i da nam dođu stručnjaci koji rade na ovom dijelu i po ovoj problematici i da nam objasne ove stvari, jer mislim da, neću reći bježimo ili bježe, od informacija ljudi u tom segmentu. Mislim da bi uže tijelo koje se zove Kolegij Općinskog vijeća moglo da raspravlja na toj tematskoj sjednici i ako bude bilo potrebe za sjednicom Općinskog vijeća dogovorit ćemo na toj sjednici i da idemo na tematsku sjednicu po ovom pitanju. Svi znamo da imamo problem, možda ga nemamo u kući, ali kada dođe u našu kuću onda je gotovo. Svi znamo najmanje po jednog, po dva ili tri registrovana narkomana u Doboj Istoku i svi znamo da se to rastura kako se rastura i svi šutimo, nažalost. Ja predlažem ovaj zaključak, hoće li proći ili neće i neću reći da mi je svejedno, ali da idemo da se pokrenu stvari u nekom smjeru ka rješavanju ovog problema. Da ne govorim da svi znamo da smo mi granica entitetske linije gdje se prolazi kako se prolazi, da je most na Spreči blizu, da je Sjenina blizu, Becanj itd. Da ne elaboriram dalje predlažem sa ovim zaključkom da se prihvati ova Informacija.“

Selmin Karić, predsjedavajući Općinskog vijeća: „Ima li još prijavljenih? Nema. Znači ko je za ovu Informaciju uz zaključak da Kolegij Općinskog vijeća napravi jedan radni sastanak sa rukovodstvom Policijske uprave Gračanica i rukovodstvom Policijske stanice Doboj Istok vezano za upotrebu narkotičkih sredstava na području općine Doboj Istok? Ko je za uz ovaj zaključak?

Glasanje: ZA – 11, PROTIV – 0, SUZDRŽANIH – 6.

Informacija je dobila potrebnu većinu uz ovaj zaključak.“

10. Razmatranje nacrtu Zakona o izmjenama i dopunama Zakona o principima lokalne samouprave u Federaciji Bosne i Hercegovine.

Selmin Karić, predsjedavajući Općinskog vijeća: „Tačku dajem na diskusiju. Ima li još prijavljenih? Nema. Ko je za?

Glasanje: ZA – 11, PROTIV – 0, SUZDRŽANIH – 6.

Sa ovim smo iscrpili današnji dnevni red i zahvaljujem vam se na prisustvu.“

Sjednica je završena u 10,25 sati.

ZAPISNIČAR
Behara Hadžić

SEKRETAR OPĆINE
Omer Hadžić

PREDSJEDAVALA
OPĆINSKOG VIJEĆA
Selmin Karić

Službena zabilješka:

Zapisnik je usvojen na 9. redovnoj sjednici Općinskog vijeća Doboja Istok održanoj dana 30.09.2021. godine.

U Klokočnici, dana 30.09.2021. godine

*Zabilješku sačinio
Omer Hadžić, sekretar Općine*